



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
Administrativna komisija
Broj: 01-011-857/01
Sarajevo, 4.01.2002.

Z A P I S N I K
6. sjednice Administrativne komisije Zastupničkog doma,
držane 28. decembra 2001.

Sjednica je počela s radom u 11 sati.

Sjednici su prisustvovali Sead Avdić, predsjedavajući, Mariofil Ljubić, Branislav Lolić, zamjenici predsjedavajućeg, Mirko Banjac, Branislava Ferzanović, Franjo Majdandžić i Zdenko Vukić, članovi i Vedran Hadžović, sekretar Zajedničke službe.

Izostanak su opravdali Adem Borić i Amor Mašović.

Za sjednicu je predložen i usvojen sljedeći

D n e v n i r e d:

1. Usvajanje zapsinika 5. sjednice Administrativne komisije i zajedničke sjednice s Komisijom za financije i budžet;
2. Prijedlog budžeta Parlamentarne skupštine Bosne i Hercegovine za 2002.
3. Informacija o provođenju Odluke na privremenoj osnovi o upotrebi privatnih kola za predsjednike komisija i predsjednike klubova;
4. Odluka o poklonima;
5. Odluka o dopuni Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine;
6. Odluka o dopunama Pravilnika o plaćama i naknadama državnih službenika i namještenika u Sekretarijatu Parlamentarne skupštine Bosne i Hercegovine;
7. Tekuća pitanja:
 - Razmatranje zahtjeva za profesionalizaciju poslanika u Zastupničkom domu,

Ad.1. Usvajanje zapisnika 5. sjednice i zajedničke sjednice s Komisijom za financije i budžet

Komisija je jednoglasno usvojila zapisnik s 5. sjednice Administrativne komisije, održane 16. oktobra 2001. i zapisnik s zajedničke sjednice održane 24. oktobra 2001.

Ad.2. Prijedlog Budžeta Parlamentarne skupštine Bosne i Hercegovine za 2002

U rasprvi su sudjelovali Sead Avdić, Mariofil Ljubić, Mirko Banjac, Franjo Majdandžić i Zdenko Vukić.

Zaključeno je da je Prijedlog budžeta sačinjen na realnim pokazateljima i da su poštovani kriteriji za izradu ovog prijedloga. Pojedine stavke potrebno je izbalansirati, vodeći pri tom računa da se one, koliko je moguće smanje (tekuće održavanje, putni troškovi, nabavka materijala, naknade za privremene i povremene poslove, kapitalni izdaci).

Ad.3. Informacija o provođenju Odluke na privremenoj osnovi i upotrebi privatnih kola za predsjednike komisija i predsjednike klubova

Predsjedavajući Sead Avdić istaknuo da u pregledu troškova nastalih po ovom osnovu ukazuje da je bilo opravdano donošenje te odluke i predložio da se u narednom periodu nastavi s njenom primjenom.

Prijedlog je jednoglasno prihvaćen.

Ad.4. Odluka o poklonima

Uvodne napomene dao je predsjedavajući Sead Avdić. U raspravi nije niko sudjelovao. Odluka je jednoglasno prihvaćena.

Ad.5. Odluka o dopuni Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine

Uvodne napomene dao je Sead Avdić. U raspravi niko nije sudjelovao. Odluka je jednoglasno prihvaćena.

Ad.6. Odluka o dopunama Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine

Uvodne napomene dao je Vedran Hadžović. Poslanik Mirko Banjac predložio da se u Odluci tačno navedu koji zaposleni imaju pravo na službeno odijelo i predložio da to budu vozači i službenik Protokola, što je jednoglasno prihvaćeno.

Ad.7. Tekuća pitanja

Zahtjev za profesionalizaciju rada u Parlamentarnoj skupštini Bosne i Hercegovine podnijeli su zastupnici Branislav Lolić (od 1.2.2002.) i Branilsava Ferzanović od 1.11.2001.).

Zahtjev je uz jedan glas protiv prihvaćen.

Zaključeno je da se do 15. februara uputi pismo svim zastupnicima sa obavještenjem da se do 1. marta 2002. Izjasne da li žele da radni odnos zasnuju u Parlamentarnoj skupštini Bosne i Hercegovine, s obzirom na potrebu planiranja sredstava za te namjene.

Sjednica je završila rad u 14. sati.

PREDSJEDAVAJUĆI
dr. Sead Avdić